

權政紀略

奏疏

蒞政八箴

# 序

自兩河間有天關星倣之制關  
邊以待暴腹以察出禦入周禮  
司關掌國貨之節以聽關市爰  
有賦國凶札則無征漢興立關

都尉察僞游用傳文帝除之古  
者事少故用少無貴取多末季  
事多故用多不得較嘗取少勢  
也但官取民以阻民之趨民受  
取而取不在官始稱厲而法格

所以善經國者未嘗征利而  
行法法行則不虧課不病商  
不中飽而財裕吾浙北關舊  
額貳萬今廼遞加至七世之  
耽耽眎爲寶山者漸亦情隨  
事冷矣民

月二  
曹義興牧游堵學術撐腸經  
綸枉腹象山所云膏脂有戒冰  
蘖自規者非乎一旦膺

命督權

功令旣嚴嗛康海告俛首而喟曰

予知之矣責羨貴先祛弊譬諸  
負重勿羣集力邪許互呼卽千  
里踵不告繭不然舍拳勇壯齒  
而令蹶躓侏僂哢嘔黃穉吟蹕  
踽旅怱怱吸踏以進不一武蹟

爾稅苦乏非苦稅乏苦乏稅于  
上下手也繇是夙夜窮搜革巨  
奸蠲小稅具款疏

請者再著箴自勗者八悉舉稅料  
貫則宿額新增縷析條分繡梨

湧石俾豪右奸宄包頭積滑無  
可肆其侵漁纍纍困賈若枯旱  
旣久毛澤都盡而涔雲膏雨滂  
然霑浹也浙地故椎繁浩穰一  
大都會豈患艫艘銷落不足應



飛輓疾輸之令哉無奈支離攘  
臂之術狡而聽誘走險之計拙  
耳公持之力行之堅排舉國崩  
剝之口紀豪強側目之情卒能  
成其功于弗可傾而後知公之

難及賢于衛嗣公遠也雖然公  
之于北關也特湓激霖霖聊甦  
一隅耳異日者領度支而登揆  
席紓康濟于

廟堂措太平于紳笏吾已識其無

多遜矣

賜進士出身奉議大夫國子監祭

酒前右春坊右庶子兼翰林院

侍讀掌坊事記注

起居知

制誥纂修

實錄充

經筵日講官冊封

德藩文武鄉會主考通家侍生

倪元璐拜撰

權政紀畧卷之一

義興堵胤錫仲緘父著

申禁令

上作而下不應必無以大服其心也令行如水  
禁止如山則豈非身先之故歟雖然視成致期  
君子所惡特不敢爲無物之言以相欺爾申禁

令第一

到任日牌示

一本部奉

命權關惟以裕國通商爲念凡爾行買離鄉孤異挾性  
命之貴覓蠅蚩之息司權政者安忍不加意撫循  
惟是課賦所係恪承

功令一遵舊則不敢輕徇外如有衙門胥役巧立名色  
措索諸商許被害商人并諸色人等確據人賊不  
時舉告盡法究治以祛商蠹各商亦宜重本急公  
循則輸報不許輕信刁胥作弊漏匿以致事發併  
寃不貸

一本部深憤商蠹尤惜民隱一切利弊于權務有關

兼于地方便益者本部虛心採訪不拘商民人等  
據實條陳可否從公卽爲舉行不辭勞怨或有奸  
胥豪役依憑城社擾害地方素爲商民切齒者到  
任之日卽許諸人告發以憑拏究叅治本部爲上  
爲國爲下爲民矜寡不欺強禦不畏氷心鐵面期  
與商民人等共見悉之

一本部雅意釐奸矢心秉法一應權務可否興革俱  
虛公親理在內並無幕賓在外不任衙役敢有狐  
鼠弄權假借打點名色者許不拘人等據實告發

科贓依律

一本部專督稅務軍民詞訟各有司存近有刁棍裝頭誣告串差騷擾本部稔知此弊一切禁革不行准理惟有真正侵匿課料者指名據賊方許稟寃一奸胥奸商併牙行船戶等夫透漏稅課詭弊百出何可枚舉本部未任之先讀晉西湖數載凡此伎倆畧在睹聞特置賞罰二格首發有功者破例重賞不踰時刻事發諸犯務在直搜根櫟窮寃底裏毫無情面與爾姑容尙革面心一洗腸腹



一商民人等或有橫受冤抑赴部告理或有採據事實赴部首陳把門人朋比爲奸擅行攔阻致鬱下情者許擊鼓喊稟重責車役不貸

一七務官吏如秉公勤慎依期完課自當獎賞若徇情營私通同吏書巡欄互相欺蒙致虧正課官叅吏遣決不姑容

一本部素性淡泊日用薪米蔬菜等項設立印簿俱給現銀照價平買並不短少分文及攬和色銀虧折行戶敢有假稱官票妄取強買許被害諸人扭

稟責革

游客關防示

示爲關防詐僞事。照得本部家世業儒並無親族在外經商游學兼之素性硜拙絕交寡羣倘有無藉棍徒棍徒知來歷假冒名色潛往寺院關務肆同地方巧騙商民者許諸色人等稟究扶同連坐本部職專稅務絕不干涉地方詞訟關防似可少隙顧念一經服官便與邦鄉迥別國課民隱惕然在心冰鐵自矢毫無嫌徇三尺其在共諒悉之

書帖關防示

本部奉

命督權惟祿國通商爲職分內事此外絕不與聞但浙  
直接壤鄉紳往來絡繹必繇本關除賜顧往拜外  
或有問候書函不開

國課者許掛號露封投進以便裁荅其餘封口書帖一  
槩謝絕如陰陽生得受門包擅將封函并干碍稅  
課朦混投入重責不貸

外衙關防示

部示一應外役不許擅入堂庫書房一應書役不許擅入後堂私衙門一應班役庫役買辦不許于轉桶處與大小家丁通同聚話違者責革不貸特示

一粘堂上 一粘後堂 一粘轉桶

### 內衙關防示

一本部公座止用小廝一名發點開內衙門捧印盒置桌上卽將內門封鎖畢班役方許開外衙門捧印盒出堂卽時封鎖門吏接印仍封鎖後堂門一本部轉堂班役接印盒門吏卽出後堂封鎖堂門

擊榔開外衙門置印桌上封鎖訖小廝開內衙門  
捧印盒卽時封鎖

一內衙傳話止用小廝一名面領鎖匙發點開內門  
高聲傳話訖卽稟繳匙外衙傳話亦如之

一本部買辦蔬菜限定辰時發簿巳時買完繳簿本  
部躬驗放進卽時封鎖並不許前後參錯傳稟以  
致多弊

一本部公座公由卽應家丁敢有于轉桶門側私自  
窺探聚話及非奉呼喚不面領匙私立門側及擅

開門鎖者立時責逐斷不妨恕限時粘衙門外

一粘內衙側

### 禁鎖差示

爲嚴禁鎖營以肅關政事炤得旨應差委及各務訪  
牌原爲緝獲弊端惟是久暫不恒搥縱繇我或可  
稍歸約束以防欺奸及本部未任之先卽有冤情  
面營差委者失費奉以得差亦因差以征奉公然  
需索豈成體訪害商蠹稅莫此爲尤今本部所差  
訪役俱虛公選擇一切請提肅行杜絕有功優賞

有罪立懲嗣後敢有營求鎖刺除不准外重責

板枷號 月仍革役法在必行決不姑息特示

門首抱牌六面

凡有告包頭白役金剛太保詐害商民者執此牌進  
實賞誣坐

凡有能舉告本部過誤裨益權政者執此牌進實重  
賞誣不究

凡有告各關務吏書差攔匿稅擾民者執此牌進實  
賞誣坐

凡有告刁書豪吏作弊漏網嚼商蠹課者執此牌進  
實賞誣坐

凡有告過犯吏役更名混入玷污衙門者執此牌進  
實賞誣坐

凡有能條陳本關利弊裨益商民者執此牌進實重  
賞

任滿示

本部德薄力微兼值凶荒迫于

令從無分毫能加惠于爾等商民比一應陋例如建



祠立碑脫靴等故事盡行革免爾等各安已業毋  
得紛紛搖惑既損民資更增予愧係本部真心實  
語凡爾商民幸諒悉之特諭

禁乞恩示

部示課重歲歉司權甚艱蒿目焦心憂危夙夜乃有  
紛紛告求優免船鈔及更名銷件求加工食者動  
謂任滿開恩相延舊例不知先任後任同爲

朝廷官守舊課新課總皆商賈脂膏耗公帑以樹私恩  
既非法體便前行而病後至尤碍恕施皆本部

所斷斷不爲者也各役須安心守分毋得告擾取  
究未便特示

權政紀畧卷之二

明貫則

毀則爲賊檢則爲藏昔譏之矣貫則不定表裏  
爲奸溢額而征弊忍言乎申明畫一永著不刊  
駟役奸胥始不得上下其手明貫則第一

一懇頒貫則勒石垂久以慰商困以杜胥侵事炤得  
杭權初設盈縮不恒總計七務六關徵收料稅始  
額設肆萬兩至天啓元伍兩年又作增捌萬兩以  
爲定則後因內外多故權賦頻加崇禎叁年奉有

准政記卷二  
助餉加貳之文崇禎拾貳年又奉有勦練加貳陸  
之

旨加商之外崇禎元貳年兩有奉文加壹之美崇禎捌  
年再有奉文加六之美于是較之初額已及叁倍  
有半不惟課額繁重抑且頭緒紛更羣胥或緣此  
奸遠商裹足不至職受事以來目擊物力瘵不堪  
旅愁嘆雖刻意撫恤破格招徠告以

朝廷萬不獲已之苦情

皇上不啻如傷之德意終以課已驟增澤不下究

冒險阻取道窮山大海之中或奸猾漏侵誤入峻  
罰嚴刑之網弊且百生法無一善睹此情事蒿目  
焦心急須祈請

堂臺爲上爲下一申再申除三奉文加一六原加  
羨不徵收外將從前定額併後新增勒石通衢開  
明各款示以大豕薦食朝野同仇用是暫爾加派  
目今天道助順虜漸駢奔寇將授首獨除之

命跂足可須使各商旣受畫一之規益奮急公之誼奸  
胥無所施其閃爍則主權有以凜守成規其大有

造于商民非淺鮮也卑職不敢擅便擬合呈詳爲  
此謹將前項緣繇并勒碑文式開詳于左懇卽頒  
示施行須至呈者

△開

一原貫稅鈔壹貫折銀貳釐 料鈔壹貫折  
銀叁釐

一千天啓元年欽

旨平貫稅料壹貫俱折銀貳釐伍毫

一千天啓伍年欽

加貫稅料一貫俱加叁釐以爲定額

一千崇禎叁年欽

直每稅料壹錢加銀貳分年解助餉

一千崇禎拾貳年欽

直派增貳萬捌千伍百壹拾貳兩奉

部明文每稅料壹錢增加銀貳分陸釐解充練餉

以上稅料正貫叁釐外加餉銀壹釐伍毫叁絲

陸忽

外三奉部文加一六原加官羨不入課則

右

呈

本

部

南京戶部正堂

批如議本開刊行繳

北京戶部正堂

批剗付聽南部堂酌行

崇禎拾叁年肆月

日

懇領費則勸募久等事

一申明稅額事照得

國家多故課賦頻加爾等商旅千里孤身挾本覓息



重以課額較之往昔幾及四倍主權者者際此  
功令嚴切既不能爲爾等商旅請

命若不搜剔蠹根申明條約是上負

朝廷德意下負商旅血本也本部下車伊始方於各弊

苦心力搜若不逐款申明凡此遠商何所依賴爲

此將本關賦額孰爲舊則孰爲新加孰如在官孰

加在民備細詳明開列爾等務依例上納不得輕

信浮言爲奸胥熒惑各單書亦須恪守單則不得

欺騙商人以致重寃開列于左

計開

一天啓五年查奉 部文年解捌萬爲額

一崇禎元年加肆千兩 二年加肆千兩

以上二項係加一分加官不加商不入課則

一三年加壹萬陸千兩

一八年加陸千貳百肆拾兩

此項係加六釐加官不加商不入課則

一十二年又加貳萬捌千伍佰壹拾貳兩

三項每鈔一貫舊則并加餉計共肆釐伍毫叁絲

陸忽

小碑式

欽差戶部堵一詳定畫一稅料貫則并加餉細數刊  
碑墜關示諭商牙船戶違炤輪納加額外科索  
稟究不恕

權政紀畧卷之三

革長單

長單之設其初雖起于便商而積漸繁多滋觴  
滋甚物極不返弊長安窮然長單之革其難有  
二如時鮮粗重其單槩革則商民有所不便而  
反開告復之門如積包慣漏其蠹不清則稅課  
徒飽奸谿而無補徵輸之額此其所爲旋革而  
旋復也斟酌利病釐正一清庶或可永革無復  
耳宜因宜革時實使然豈有私焉於其間哉革

長單第三

一禁革長單碑文

欽差督理北新鈔關南京戶部主事堵 爲申明禁  
革長單祛蠹復古以肅開政以裕

國課事切炤本關奉

命督權於初二日受事以來備閱一應收解簿冊日徵  
稅料與七務大小開錢糧皆屬

祖制內有一項告認長單四季包納稅鈔甚至季終不  
完延至差滿坐守殊爲可異兼以七務申文咸謂

長單把持紛紛告匱缺額揆厥所繇本關年徵課額惟是上賴閩廣大商糖蔗等貨下仗省直市買雜稅多者本關報稅零星者赴務輪納裕課通商載在關政夫何遞年以來積奸牙蠹結連地棍豪奴巧立便商名色告認長單始以民間食用鮮魚時果柴炭數件繼則閩廣雜貨引例告認歸關者什之二三烹侵者什之六七是以大小商貨盡被公行何敢阻抑致令本關七務課額日虧奸蠹侵蝕日甚本關目擊情形法宜窮變且查本關原額

年止肆萬兩歷奉

明旨部文加餉增至十三萬八千有奇據額已過三倍  
當關者蒿目焦心豈容若輩公然蠶食開政漸疲  
關使掣肘本關不得不據實申明禁革僅以日用  
鮮魚時果恐致淹腐木炭燒柴粗重稅微唯照認  
納外其餘原認長單稅貨一槩呈請禁革伏懇  
堂臺俯念末屬下僚不辭怨謗祛奸祛蠹爲課爲商  
請乞

憲示嚴飭勒碑永禁俾豪強巨蠹不敢再犯則寵使

得荷更新之福無窮矣謹將長單貨件開造一冊

備文呈詳

南部堂及通行移會

北三院并

布二司守巡道府縣等各衙門嚴示永禁去後奉

督撫都院熊批包攬把持率繇長單作祟據詳別

蠹惠商惟政一新如行勒石永禁以肅關政繳復

頒禁革榜示一道到關又准

浙江巡按御史王手本移覆備行杭嚴道嚴行禁示



及勒石永垂等因又准

浙江巡鹽御史梁手本移覆爲炤貨物是應隨到納  
稅上以裕

國下不虧商豈容奸棍巧營告認長單任意侵漏亟宜  
禁革等因奉

本部尙書僉 批革長單以杜侵漁真爲釐剔要着  
該司卽爲頒行仍鐫石以垂永久書冊留部存案  
以昭美政又奉

北京戶部尙書 批劄付仰候 計南部堂行

禁革長單第一示

示爲徹底盡革長單事。炤得長單嚼商竄稅已非一日。若不盡行痛革。弊長安窮。今查得單內如鮮魚、時果入城發賣者。恐致淹腐及柴炭粗重。民間必需不可刻遲。炤例勒限認單。便民外。一應紙劄等項貨物。已申文部院盡行革去。其零星錢數。赴近便務所報納。滿兩大起。着商人身自到關輸。則本部立時發票。並無耽延需索等弊。兼于稅額批免什分之一。以酬商勞。以勸商義。本部冰心鐵面等

國惠商惟有肝腸絕無情分爾等單棍須安意守  
分不得別緣支節以取罪戾各商亦宜惜貲奉公  
無得輕信包牙匿漏以致依律重究各務官吏尤  
當奉委勤慎從實開報便商若分單削貫通同爲  
弊本部耳目頗謂聰明查實卽發官叅吏遣以上  
條約務在必行尙各浣肺腸無貽後悔特示

禁革長單第二示

爲徹底盡革長單事照得長單之革專藉包攬宿弊  
兼以通商便民前已給示頒行外爲恐商人未悉

本部體恤至意合再行申示爾商人納稅自一兩以  
上者務在大關開報錢數小起許就近便務所開  
報另置循環簿二扇另立單錄各單書不許指索  
每單書止許收紙筆錢三十文違者指贓呈稟革  
寃開報大關者許單書不拘時刻隨到隨稟隨發  
以便遠商往返應報稅課俱于十分內量減一分  
以示招徠各商務宜鼓舞急公各務亦不得混收  
侵課 本部冰心鐵面三尺具存决不女宥特示  
禁約城南牙脚示

部示商牙腳夫船戶并城南務官吏書欄草單書手知悉凡係部革原認長單商貨自江口隴塘或應赴大關報稅或零星赴務起繇者過塘牙人先行報數卽令本商投單定須填明某處商人起某埠落某牙自上江起岸者填進正陽門自下江及對江起岸者填進草橋門俱要填明時刻不許更改件數俾留時刻致影射重炤等弊如鉛錫糖靛紙劄粗重等貨不便挑馱者許進水門其貨船裝艙口亦要開填明白毋得夾帶私貨及偷走小路支河

權政紀畧卷之四

祛包漏

蠹穴未窒利源曷疏巨惑積穢扞罔作奸賊抵  
絲紛狡謀百出當事者苦無長耳飛目分應其  
間始不得不轉而寄諸長單矣邇者長單旣革  
則包漏之窟益不得不嚴夫惟搜根炤膽徹底  
澄清使商民膏血不以飽奸包而課額無虧始  
可行寬商之實政嚴于禁包所以寬商便民之  
第一義也祛包漏第四

禁諭積包示并募格

部示積年包頭知悉爾等蠹國漏課罪惡貫盈一  
一姓名過犯本部悉在胸臆擒其渠魁尙未窮究  
爾等相安耳半月以來爾等伎倆既熟腸腹復萌  
以爲僥倖漏網莫我如何也小試不已將復大做  
譬如貪狼自投陷阱深可哀憫已差役緝獲外又  
用明示爲爾等勸諭凡爾包頭俱係聰明儻男  
子何苦包貨侵稅行同盜賊爾之所得不過些須

一朝敗露身囚家破累及妻子以昔所得不償所  
失則亦何益男子頂天立地明白正天爲商爲農  
何事不可趲錢成家寧必齷齪作此等事欺天叛  
國生爲罪民死爲罪鬼爾試捫心中夜能不惕然  
本部下車以來心清如水面寒如鐵不爲利阻不  
爲害怵重以涇渭了了賞罰嚴明釐緝奸党朝呼  
夕應凡遠近左右之人孰不思効功本部以邀重  
賞者恐爾等同舟之人皆敵國也勸諭詳明情法  
已盡爾犯依律爾無咎言特諭



一有能獲得真正包頭連人贓解者賞銀伍拾兩首發者賞銀三十兩貨給告主

一有能獲得長單牙人仍舊包貨漏稅連人贓解者賞銀伍拾兩首發者賞銀叁拾兩貨給告主

一有能獲得衙役拴同包頭連人贓解者賞銀伍拾兩首發者賞銀叁拾兩貨給告主

一有能於旁門僻路支河小港獲拏漏貨連人贓解者賞銀伍拾兩首發者賞銀叁拾兩貨給告主

禁諭長單小包號示

戶部示長單牙人知悉爾等久冒長單情面竊謂已  
久今一旦革絕爾等未免懷怨說 本部絕爾等  
衣食不思所謂衣食譬如田產祖貽之父父貽之  
子又如俸食君頒之臣官給之吏此是本等衣食  
若長單之設行私冒法作奸之尤革去奸弊正願  
爾等爲良民爾不我感尙爾怨謗乎爾等謀單不  
遂奸心鬱勃盡爲包頭我爲爾思立心愈下擇術  
愈危犯法愈重本部獨在獨斷革去長單今復爲  
爾等包漏豈肯與爾等于休勢必密訪嚴拏大創

永剗身家不保妻子罹辜深可哀痛除差役緝獲  
外猶念爾等長單初革此心怏怏未肯遂平是用  
再行明示爲爾勸諭今後務凜三尺各安本業無  
怙初奸無懼重法本部賞公罰當頗不相容事發  
依科尙無後悔特示

諭牙人漏稅示

部示包貨奸人知悉炤得本部下車單單之後爾等  
奸包慢過者十之三怙惡者十之七更有舊長單  
牙人鼓煽于中日益增盛爾之姓名伎倆語言動

靜述一聞知前已給示申明勸爾改過然爾等謂  
本部未便聞知不過虛言恐嚇也本部畧舉一二  
事與爾等說知初一日有一鐵商落一奸牙原鐵  
一百三十五担每担四包每包四十觔共計二萬  
二千六百觔今止報務一萬八百八十觔漏稅幾  
半又有一紙商落一奸牙原紙三十担被訪事人  
拏送商牙情急買過廿五担止將五担來報又僱  
人來作商人替打從輕罰去爾等自去思想這些  
說話是真的還是假的爾等做事本部知道也不

知道本部不便拏究還是怕你還是惜你爾等今  
番還該速改還該不改本部法嚴心慈恐一發動  
爾等身家性命便不可保沒奈何又忍氣勸爾等  
一番若再不更改本部這番定不輕放過了聽與  
不聽隨你做著特示

都院詳文 爲夜航船天開河開口三大弊

爲請禁渠奸似彰

憲令以裕

課事切炤課額頒贈年計十二十三萬八千有奇

閩廣諸貨杭城絲綿紬段布帛以充歲額夫何路  
徑雜叢漏孔百出人心不古技巧日新本職受事  
月餘以來虧額已盈千百目擊情形虛心咨訪奸  
頑虎負莫可如何固屈指難以終窮試畧舉大奸  
大蠹最甚最久者摘出一二爲

憲臺澈切陳之仰祈俯鑒一夜航船各埠共計二十  
餘艘上達江干下至長安設以裝載過往行旅無  
客夾帶商貨刊在關政久矣乃有積奸船戶結連  
地棍假冒豪奴恣肆包攬上載空身行李下裝紬

布籠箱船大人稠公行出入差守員役畏其聲勢  
反與爲奸近職差監稅廳偶一查點船戶舉手  
呼合船開聲百應千箱百捆揚帆直下束手歸報  
噤不出聲晝夜蝕課法紀罔聞理合呈請出示東  
新嚴行禁革船戶夾帶着地方總甲協同拿解此  
大漏弊一也又天開河翁沈二埠路近海口又通  
內河離開六十餘里雖有壩堰間隔實係一水相  
連地出土豪奸牙擅造海艦牛車包攬遠商大起  
絲綿紬段布疋白晝公行名曰調彈近又有積包

大俠沈明吾丁九陳大蔴等聯結百犯竊銀得現  
鴿一振鈴脚夫荷擔而立船戶熾岸而待邪許之  
閒貨已出汎又名鴿陣年侵

課盈千椎開門可羅雀理合呈請 憲示嚴着赭山  
巡司督率弓兵着該地方見年總甲協同巡緝設  
有仍前怙惡立行拏解知而不舉以故縱論地方  
連坐此大弊漏二也又閘口沿江至敵樓凡閩廣  
諸貨必經此地隴塘出江雜貨亦必此地裝載乃  
有包牙包脚朋黨盤踞父子世授編爲字號肆無



顧忌牙包之最桀者爲閘口梁太冲兄弟叔侄爲  
客臧獲數十人脚包之最黠者爲蕭山王壽五楊  
大元結連沿江一帶城內城外百十處名曰絲王  
慣包紗羅絲稅結黨橫行巡役畏鋒莫問視王法  
如弁髦視國課爲已物理令呈請憲示數道  
一給蕭山西興一帶一給閘口草橋一帶許該管  
官府緝獲里隣首報此大弊漏三也以上三大蠹  
皆根深蒂固牢不可破先破其魁餘應漸解卽今  
蠶絲將盛正本開補額之時不得不呈鳴憲臺

仰藉威靈請乞嚴行彈壓俾羽黨知有 憲令森  
嚴庶權政稍歸約束

區課幸甚本職幸甚擬合呈詳爲此今將前項緣繇另  
具書冊請乞

憲示頒發三道嚴戢施行

天開河嚴禁示

爲嚴禁越海祛奸漏課事照得本部蒞任示免一六  
羨銀百凡寬恤商賈惟以祛奸釐弊裕 國通商  
爲念查有天開河赭山港翁家埠等地方內連東

新長安外通江塘海口地出積棍豪戶結連船壩  
脚夫攬攬大起商貨竟不輸稅越海走船名曰調  
彈有等愚商聽奸播弄不念資本身命爲重惜費  
冒險誠爲可憫除一面密拏包攬地棍并着該處  
巡司督令弓兵晝夜巡緝外合行出示嚴禁爲此  
示仰大商巨賈人等知悉當念 國課重大各以  
身命貲本爲重一切貨物竟起大關報稅格外寬  
恩以見本部恤商一念不得仍前誤聽地棍積包  
欺騙致取罪戾若巡司官兵協同地方用心拏獲

真正漏稅越海商貨報部審確本官優獎亏兵  
與地方分別批賞斷不食言如有通同得財縱放  
大起及因風生事者廉訪得實及有首發官兵并  
地方人等一併提究定以三尺計贓叅處決不姑  
息各宜遵守特示

請委中軍廳防守移文

爲申請憲檄飭防漏稅以裕國課事切炤本關課  
額繁重全賴秋冬二季布帛絲綿紬段雜貨以充  
解額察得天開河翁沈二埠施家等堰俱係沿海

地方西北通連內河東南直達海口相距本關六十餘里是以鞭長不及馬腹甚有積奸豪蠹車埠船戶結連撓攬賺商包送竟入海船名曰調彈卽有赭山巡司亦隔二十餘里寫遠難防故奸黨得以公行商亦罔顧冒險致令本關稅課日虧奸蠹侵蝕日甚炤今南北商貨發販之時若不預爲防範則漏卮何繇底塞本關切念天災時歉一意寬商奈黨蠹根深卒難芟拔仰藉

憲臺嚴示禁約思有本關捕防把總余師貞志切奉

公夙夜自勵委以不時巡緝庶可彌奸戢漏本關  
不敢擅便呈請

憲檄飭委本官職司防衛則蠹黨知有憲法森嚴  
俾商賈亦不敢墮奸涉險于以守汛緝奸通商足  
課一舉四美地方國課均有賴矣為此今將前  
項緣繇理合呈詳伏懇頒給

憲示俯賜

飭委施行

委中軍防守橋司劄

部爲銀兩不充預爲區處事炤得橋司一帶係支涉  
僻路最爲商貨偷走之地又離臨平寫遠兼攝爲  
難該廳近蒙

督撫軍門熊批委緝奸防汛駐扎橋司帶管甚便  
爲此牌委該廳督同中縫差吏應文憲并在務書  
巡等役炤則徵課現銀投櫃驗貨發單五日回關  
半月類解務小心公慎便商詰奸各役及地方商  
民有敢恃頑抗法不遵約束者許指名申解該廳  
亦無得因而滋擾不便須臾

黑北船埠示

爲嚴禁牙埠包漏以祛積弊以裨課額事照得本關  
課額節加至十三萬有奇其間天時旱潦不恒物  
力糜費日甚膺斯任者心力焦沸靡有朝夕重以  
杭郡上通閩廣下接蘇松凡商賈奏泊之區多卽  
鄉紳士夫駐節之地遂有捲稍民座站船游山浪  
船等公將應稅貨物夾帶詐冒名色討關漏脫  
國課莫此爲甚當茲

功令嚴切課稅煩殷若果係縉紳先生在船自然恕也



愛人聞惡共憤凡爲此弊皆係牙行船頭通同作弊甚有商人愛惜資本不肯入攬而惡棍挈扶不容分說者本部稔知深可痛恨爲此示仰黑北二埠頭脚夫船頭知悉如有仍攬攬商貨查出首發定行盡法究治設牙行脚夫不發貨商人豈能鬼輸設埠頭船戶不肯裝貨商人豈能飛渡此破裏得奸獪根除弊之捷法也每逢朔望日期牙行埠頭各通並不包攬甘結繳查法在必行決不姑息須至示者

東新河船埠移文

移水利驛傳二送

爲請禁航船洞浪船入關攬貨以杜包漏國課事  
照得本關蹇因旱潦互凶商旅裹足秋課之額已虧  
萬計茲有東新河一帶上自省會下達長安最爲  
奸民偷越僻路而積包大俠公行夾帶日沿月盛  
不可問詰者莫如夜航船并浪船洞子船爲甚委  
役盤詰則表裏爲奸躬臨簡察則鞭腹不及如褚  
堂濮院嘉禾海鹽等處紬段布疋等貨出入無禁  
且與本關爭旺衰矣若不立禁更絃安救虧課未

轍自本月請示禁約日起至十二月終止凡浪船  
洞子船槩禁絕不許入關其章家橋等各埠航船  
自上而下者止許載過往空人行李出關毋容攬  
裝客貨自長安而上者卽有粗重物件俱令短剗  
入城以憑稽驗各埠開船泊岸時刻務以已申爲  
限不許黑夜抵關希圖營運賣放等弊致虧國  
課本部既寬商以自敝不得不設法以防奸第河  
路水津隸屬貴道所轄擬令移請憲示禁飭  
俾壩壩積奸航船巨蠹知有禁戢森嚴則本關無

偷漏之虞矣爲此合用手本前去煩請炤察希卽  
嚴示東新關禁約施行

行各務牌

城南  
臨平

中務  
橋司

城北

爲嚴禁航船攬貨漏課事察得各埠夜航船包攬商  
貨蓋繇務書填寫作奸朋漏

國課本部痛恨此弊業經移文 院道示禁外爲此牌

仰官吏書欄自十月 日爲始凡商貨赴務起繇

自上而下者該書卽填寫舢船載出東新關外方  
准附搭大船如自下而上者該書卽填寫東新關

外起剝裁繳中縫至艮山門炤過入城俱要登堆  
時日毋得仍前混寫察出官吏書手一併提究商  
貨按律以匿稅論斷不輕貸各具依准繳察施行  
十門防漏移文

爲請飭城守防漏 國課事切炤本關原額年解四  
萬兩歷奉

明旨加餉增至一十三萬八千有奇已逾三倍半矣第  
功令森嚴毫不敢減所賴者杭城絲綿紬段等貨以充  
解額卽今蠶事已竣絲繭盛行訪有地棍奸牙聚

結成蜂更深黑夜拴通守門軍役包抵包送羣兒  
公行漏貨巡役莫敢誰何城守官軍隸屬 貴道  
所轄非藉 憲檄嚴飭防禦則積奸地棍偷漏  
國課無窮矣擬合移會爲此備用手本前去  
欽差杭嚴兵巡道煩請查炤希卽

憲檄通行十門官軍毋容受賄縱漏施行

十門防漏示

爲申嚴防獲漏課記功獎賞事炤得本部寬商釐弊  
遍示申飭遵守外卽今絲綿蠶繭方始商販盛行

訪有地棍奸牙結聚成羣更深黑夜包挑包送偷  
走僻徑出入必繇十門防守更宜切緊業經嚴示  
各地方并懸賞募榜知悉外擬合通行十門知照  
爲此牌仰守門官軍遵招牌內事理晝夜督率防  
守凡有奸棍三五成羣挑馱絲綿蠶繭身無稅票  
者毋論鄉紳生員家人名色卽時獲住連人貨一  
併解部以憑究審漏稅得實一依募格分別給賞  
本官獎勵斷不虛示不許受賄賣放情索查出取  
究未便

王禮案

申會兩院文稿

部堂呈詞

刑廳案

語 按院駁語 勘榜案語

為肅討 國寇事據呈人孫文遠鍾尙禮等呈前事

隨拘王禮對審豈禮先已知風懼罪逃遁拘其父

王泉兄王元限日追拏外又先據被害告人管肇

文為陰謀劫殺事唐岳為巨蠹橫囑事沈文為虎

役害命事高鍾秀為積蠹枉詐懇勦魁冤事王雲

孫登為拒捕殺差事陳三省為叛律枉詐事方仁

為抄詐極冤事郭氏為夫命事羅宇為指詐極冤

非天謨雪事唐世耀為慘戮世奇事李玉為倚官



疊詐重懲事馮定爲涼商絕命事沈五爲積蠹殃  
民事俱于三月內呈告王禮張義陳志各呈狀單  
欵在卷續又據告人吳惠爲斬逆誅犯福國庇民  
甦冤勦詐事羅宇和爲誅滅僧民籲懇亟審事生  
員孫毓靈爲法寃枉詐事沈定科爲鳴冤斬蠹事  
陳啓泰爲天誅元惡揭姓雲冤事章煜爲斬抄誅  
劫事范忠爲速勦元兇清冤肅律事張度爲吸髓  
異冤事姚弘誨爲夫雪海冤事潘弘爲夫誅指詐  
事俱于五月初七八等日呈告王禮張義陳志駐

款在卷看得王禮推政之虎而張義陳志則關虎  
之翼也兩惡相濟罪狀若丘其指嚇商民視如机  
上肉以致怨讟載道穢虐薰天萬口一詞咸欲寢  
皮飲頭而甘心焉尤可詫者乘新舊交代之際易  
于彼此影射用假印假硃標押空單托名恩賞愚  
惑商人單書盜侵國課其可數計者至十四多  
單稅銀三百餘兩其不在發覺者又不知幾千百  
也以致新舊主權俱在其愚弄中虧歉正額職誰  
之辜若非天厭其惡管肇文孫文遠首發其奸則

權開新舊之受禱正未艾也事干邦典不敢私徇  
擬合申請或仰藉 憲威親勦元兇以雪商冤以  
清權弊或垂念甲役商民俱係本司職掌仍請批  
發本職逐一研究據賊依律申解定奪不惟有禪  
于權務而商民受惠非淺鮮也通詳

部堂

撫按二院外本部批行本關

撫按批行杭州

府理刑廳各審究隨該本關拘提犯証到官審得  
王禮結黨張義陳志輩狼狽爲奸蠹視譟額虎視  
商民近則爲城狐遠則爲場竈如所謂縮鷄法鐵

門門水膏藥諸弊扣羨把持指嚇諸究反覆雲雨  
出沒神鬼以三姓奴經營開務數十年積賊私累  
萬自孫文遠首發其奸而吳惠羅子和輩鳴鼓而  
起人思食肉寢皮者益非一朝夕矣尤可詫者慣  
于新舊交代指稱恩賞空單以愚商而病課今歲  
二月本部受代侵蠹益橫其可稽者商李芬芳稅  
銀二百餘金出貨者店戶寫單者單書以至算手  
保櫃船書歷歷指証的確認結在卷其不可稽者  
又不知幾千百莫之間也其歷前任至今者又

知幾千萬莫之問也無印何以得單無標何以得  
印其爲假印假標以狐類虎寧顧問哉其父泉與  
兄元供稱每年包漏實實有之假單無有益同窟  
之情居其小者以飾其大件也夫然則商貨何據  
以出關也且無單而遂能作此天馬行空之弊則  
其通天智包身膽又何可舉似哉久違不出係累  
父兄不過謂本部期已及瓜冷灰復燄耳王法天  
理何所容之又何盡誅之今父兄旣以家長願甘  
認罪暫結後追提以冀釋其終歲之繫似應以罪

人不孥之政寬之今拘審間其夙昔受噬并事發  
被連之衆百喙一辭哀祈正法以杜後患攷其罪  
狀山積海盈不可紀極卽假單一案戍不蔽辜但  
事關重大未可懸坐必候捕到日審供定奪卽以  
包漏之律論之亦已與張義擬配有餘矣王泉有  
子無家訓王元有弟無阻言坐進其惡一至于此  
并杖何辭陳志趾役爲其死友均在協從不貸店  
戶鮑奎卿單書馬俊王山金士等雖非首事然而  
唯唯從命無非比奸以圖厚利不剗何懲依其所

漏之稅分別擬罰充餉章文元等原在事外不  
管肇文羅予和等一千被害俱候各拘到日逐款  
研審定案仍將王禮張義所犯過惡勒榜部門以  
彰國惡所有贓私俱應藉沒追解候移送 刑廳  
研審畢日一併會同申請

兩部  
兩院

取供定奪施行各在官犯保放寧家移會 刑

廳審究去後隨該刑廳劉 看得王泉乃王禮之

父也而王元則禮之兄也禮充關役蓋已有年玩  
法作奸已非一日部察謂其肆侵商稅詐騙多端

數計十有四單冒課三百餘兩衆証既確三尺難  
容何物王泉惟知獷愛縱令兔脫王元弗行緝獲  
致難結案均屬非法并杖何辭仍與同黨之張義  
陳志嚴緝另結卑職未敢擅便伏候 憲裁施行  
具招呈詳 二院該蒙

巡按監御史王 詳批王禮以積猾開黨黨聯兇翼  
僞單膺篆誑商病 國罪不容誅乃奉文提寃敢  
于公然負嵎以撓三尺僅以若父若兄爲之擬罪  
暫爲結証殊非痺奸肅法之義仰勒押王泉王元



立追王禮以及張義陳志等有名各犯盡法嚴究  
確招解奪外所有王禮等罪犯過惡擬揭示曉諭  
商民人等知悉如王禮等包藏禍心冷灰思燄始  
而兔脫既而魚潛改易姓名冒入衙門希圖報復  
復擾害商民者許不拘人等擒解 兩部 三院  
正法究治或其黨羽私匿榜文希圖隱蹟者以擅  
毀官物依律論坐庶憲法得彰罪犯斂跡關津肅  
清頒至榜示堵

崇禎拾肆年貳月

奚太冲案

訪得奚太冲橫踞江口羽翼繁多倚借長單雄行包漏凡本關差訪人役稍觸兇鋒小則擒穴毒打大則訐告傾家是以畏冲如虎莫敢誰何京省中外著聞其名久矣本部下車思欲清包漏革長單必自擒太冲始是用遴役孫廷才楊時俞陞等拘質其家屬懸示以厚賞務期必獲因是各役用計密擒太冲并侄奚十三到部倚窟之兇一朝受縛良足矜也

一審得奚太冲叔侄兄弟一家合黨包漏 國課幾  
數十年其累積前案者如山罄竹莫盡卽據本部  
于前日差役往拘時路遇奚十三所發錫貨執繇  
覈之貨發于十二日繇發于十一日其爲重紹莫  
須有而計其斤兩已差四百斤有奇漏稅四錢有  
奇此偶然便獲出于意外則其透漏載道畧見一  
班矣奚十三仍監候再審錫貨客商領發

再審得吊查十三年過塘牙人發客坐蒲喫太冲藏  
匿真本裝寫偽本抵塞復吊其十二年簿查對初

抵言已被火焚追追之急復連夜偽造通本抵塞  
揣其護匿原本情繇則爲包漏客貨累紙盈帖不  
銳自炤至初托火焚旣復供出閃爍支吾藏形露  
影不待識者已見肺肝矣夫以數世積包通身膽  
智雖一管未足窺全而水落石見至此甚難以一  
手掩天下目也存案另行研審初十日提奚十三  
面鞫氣塞舌結奸膽已破尙何遁哉

又審得奚太冲弟兄叔侄一門廿輩久踞江干倚借  
宦聲創立長單名色如萊筭單香簞單紙單水錫

單詭分勢借幾廿有餘單十應稅課罾爲已有不  
復勾通胥役軟結牙僧包攬不足濟以把持爲  
國蠹開崇三十餘年官府切齒莫之能詰商民飲  
恨莫之敢櫻自三尺童子莫不知有單王矣太冲  
者太冲不擒長單不可永革此如蔓根蟻穴不容  
姑息者也本部下車數日拊其不意厚購獲其元  
醜并其腹侄夢熊一時黨類駭降從天卽本部亦  
竊喜以爲不必得之奇物至獲其小小偷漏如錫  
商一事小小作弊如徹夜改簿一事皆其末技不

足道也緣是渠縛羽戢窟清單革出示之日無敢  
抵牾營倖者是亦一擊之力哉攷其舉狀申解匪  
苛幸

聖天子洞悉弊隱已將長單下部勒禁陽和所布鷹  
且化鳩矧彼人類之有知者乎單旣永革魁從末  
減此又革故許新之寬政也姑罰銀三百兩焚粥  
濟饑發保免解爾尙食黠懷音永爲

聖世化民餌課有誅法不女貸

陳禹山案

爲緝獲大起匿稅事九月廿二日據標下捕防中軍  
余師貞呈稱蒙詳 浙江督撫軍門熊 憲委巡  
緝天開河翁沈等埠包漏調彈緝獲解送等因遵  
奉 憲令晝夜巡緝於本月十九日酉時巡至井  
欄地方遇有江船五隻內裝重貨將次出海調彈  
察無稅票卽有包頭陳禹山號令脚夫各執木棍  
拒抗卑職卽令隊丁何鳳陳明等奮勇相抵退散  
脚夫當獲紬貨一百八十九件沿途護送至關

有奉差唐岳曹源稟稱船戶俞時春船裝紬貨四十箱聞知大起被獲卽運至費孝家內當拘各犯到官供稱脫彩甫領去等因到部本日隨據海寧縣蕭山巡簡司爲匿稅蠹國事首呈人沈明爲包漏劇蠹事橋司天開河總甲方蛟葉霆等呈爲匿稅事仁和縣橫塘臨平稅課局呈爲獲解犬起貨物等事各到部看得陳禹山包稅調彈至絲貨一百餘件可謂目無三尺矣繇其平日大膽公行伎倆已熟直以爲無可如何也今公把總奉委未幾



遂能督率地方緝獲大起使大俠巨魁負固海隅者一朝敗露將來地方亦繇此乂安不僅有裨

國課而已擬令據實申報兼乞頒給 憲示嚴緝以

正典刑地方幸甚 國課幸甚備繇詳移

撫按二

院并各道嚴禁緝究間本部隨經出示曉諭炤得調彈漏稅原係包棍拴同脚夫船戶愚哄商人故智本月十九日據中軍廳申解大起商貨百餘件係總甲地方獲住兩務巡役協拏于是包頭陳禹山牙俞孟德之仗倆和盤托出矣除申院拏究外

各商以貪小利受大虧致貲本身家懸于一影棍之手本部深爲憐惜着卽日赴部研審服罪領貨或竟緝扭陳禹山呈解以雪爾商受哄受累之憤其地方兩務人役分盤獲首報巡守協解四項功欵于審明日量行重賞以勸爾等奉公之義調彈包棍豈止一人已盡入本部夾袋姑從寬厚不追已往不逆將來罪坐巨魁不窮餘黨尙其盡洗肺腸各安本業身家性命所繫無得仍蹈前車墜臍恨晚特示又示炤得天開河包漏公行目無三

只是用申詳 院道劄委中軍廳巡守止以緝獲  
大起兼之捍衛地方並不干及外事協守員役諭  
令謹遵戒約毋得因風生事其有大膽玩法需索  
商民擾害地方者許該廳卽行查審重則申解輕  
卽責懲不得姑徇一併叅處未便特示又爲獎勵  
防獲有功官員事炤得前月十九日據捕防中軍  
徐師貞臨平務大使江中漢赭山巡簡蘇堯民各  
申報翁家埠巡獲得越海調彈大起漏稅絲絹并  
拏包頭陳禹山等呈詳到部據經審供情實備文

移會

撫按

嚴示正法外有功員役合行獎勵該

部看得中軍余師真夙夜飭防奸宄懾志受委方  
及數日遂能緝得大起絲貨幾二百件解部助餉  
給商絲毫無失不惟有裨國課兼以保惠商民  
誠白意奉公兼才馭衆者也臨平務大使江中漢  
志著勤勞氣清夙夜此舉尤能彈奸保商不遺餘  
力非其鎮馭有素安使胥役帖然肅山巡簡蘇堯  
民雖無首事之功頗有協獲之力至其追獲匿貨  
亦能飭下以威各分別給賞銀獎勵去後復拘包

頭陳禹山到官供稱山於臨平鎮撈獲商人絲貨  
得銀包送出江是的等情又據商人訴稱禍發陳  
禹山甜騙包送出江致罹法網懇憐異鄉愚弱甘  
罰認辜超救等情審得陳禹山與船戶俞時春等  
虎踞海濱糾黨調彈橫行無忌已非一日天厭其  
兇爲余中軍所獲尙敢挺刃抗敵目無三尺攷其  
梟狀配不赦辜愚商初圖貪漏爲彼所惑旣而事  
敗赴部認罪輸課情亦可憫罰銀一千兩追完充  
餉另行起解不入正課以少效涓埃之助禹山等

行羈候其脫逃夥黨脚夫船戶再犯重寃就經差  
役押追絲商充餉銀一千兩完課候解其絲貨當  
堂令商具領盡給省發訖今准刑廳移會奉憲  
批行究解該本職察得地棍包攬商貨可誅愚商  
惜小喪大可憫一經緝獲俯首無辭漏稅罪止倍  
罰充餉之外諸商可以無論禹山實係調彈巨魁  
盡法不枉但一海濱赤棍重責羈獄奄奄待斃餘  
黨潛藏無獲當此年凶民黨之際自應仰體  
憲臺好生至德從寬疏放且本職瓜期在邇若必株

原缺

吳大寧案

審得吳大寧漏稅至扇六箱綿二擔予固疑何物奸  
商敢無法至此未幾而差役來稟云渠執稅票一  
紙商張學扇三箱稅土兩牙徐秋亭係以多報少  
爲匿帶予曰然也有奸牙以爲之線索矣又未幾  
而有吳管家持名帖至譁予門予曰然也有大力  
以爲之覆庇矣此拘商張學至曰我自有我貨單  
不離貨同頓牙家時始駭曰然則借票影射非止  
匿帶矣牙其奸哉比拘牙秋亭至曉曉強辭予叱



差役沈鳳翔然則爾所見鳳稟奉差出部門吳家隨執一單來紹同見者詹文毓沈春宋元陳英沈巡攔前之如牒文曰看單時又見載中縫者范通通邊不寫之字而用一勾以此爲符諦視果然秋亭可以服矣又詭辨曰差役索飯酒不遂而羣坑也予詰之曰殺以何日來曰廿四之晨又詰曰有風暴乎曰無予叱之曰鳳之稟張學秋亭也在廿三之晨彼時猶云貨票不同此張學而始知借票相紹彼時鳳豈逆知爾不與酒飯錢而懸以

相裁耶秋亭乃屈服吐情受責無辭又一日拘商  
大寧至詰以借票事渠委之吳主管詢吳主管而  
指天畫地以爲並未育票並無人見各役俱造孽  
坑商耳叱衆與盾而拊心叩首盟神詛鬼強健有  
口幾不可詰予呼秋亭來秋亭折之曰爾實爲此  
事以陷我爾猶恃健矣爲耶犯法猶可活昧心不  
可復活矣主管乃屈猶叱秋亭曰爾自服矣爾無  
謂我不相護也其倚而橫如此誠堪髮豎姑念愚  
商奸人唆之勢人扶之薄罰以儆牙人不治長世

安窮柳責正洪存案以備奸勢告訐報復之舉

高方周案

審得高方周以絲牙作包頭負踞于海濱非一日矣  
迨中軍聽蒙 撫院委文防汛緝貨甫及橋司未  
遑過問而已獲得漏絲一起設爾時服罪解部不  
過薄罰而止蟻穴小漏不足道也顧高方周之于  
高三舉族疾呼號于衆曰予牙此數十年矣從無  
部差敢問詰能誰何者一旦被緝後將效之小者  
不抗何以圖大奮臂而起百哄于集或截于河或  
噪于崖或跳于舟劫貨奪商椎擊焚掠幾無世界

中軍之得具衣冠者幸也噫此如何語氣如何  
動哉充其念也羅權賦十四萬歸諸私橐渠亦敢  
以斬揭自雄矣漸可長否罪足誅否追事解而拘  
訊於庭則又一么麼小夫耳前者之杰倨奚爲耶  
蓋海濱之民素悍且驕視官府則謂鞭長不我及  
視部使則謂傳舍無我何視權政則直如倉鼠雀  
鷁雖其驕足而莫我稽詰沿漏日久假不知歸也  
坐其罪則抗辱職官誅其黨則首從分律何說之  
辭姑念鄉愚怙其惡習法則重而情實可矜且行

拘卽至又似未甚跳梁者姑從末減責枷之外免  
其申解但漏稅已久不罰何懲罰銀五十兩敢修  
北關大橋錄審語附卷以定其抗頑之罪

沈蘭亭案

審得沈蘭亭以官牙攬私貨爲弊已非一日以致其  
侄沈七垂涎思分其有顧爲蘭亭勢分所壓輒悻  
悻有後言爲訪關王廷俊所廉得首發在案比拘  
審間沈七雖曲徇其叔而詞色多吐露不平又蘭  
亭于未審之先着唐岳過付送廷俊飯金一兩免  
無相阨也觀此則蘭亭內爲侄所訐而以勢壓之  
外爲廷俊所發而以利啗之其畏首畏尾之情尙  
俟再鞠哉蘭亭已老拘其子代罪以正國法沈

以侄許叔殊非天親責十五板逐出以正家法

覆看得前沈蘭亭爲王廷俊所首發未有實贓姑薄責其子以警無何而有衢筭一百三十六擔船貨緊蘭亭河干守地方周紹祚往問之客何在則云報稅去矣未幾而問船貨何在則云潮水衝去矣比拘審而問稅單何在則云商人帶去矣倏忽之間化爲烏有包棍之奸如是神哉枷示以儆姑念洪水泛漚從寬改補納正稅罰二倍放

次審



沈明吾等案

爲截稅叛 國拒捕殺搶事據本關差役唐岳金時  
李茂等呈稱奉差分守天開河一帶地方緝獲漏  
稅包貨等奸詎有土豪沈明吾方玄甫沈敬吾等  
拴結積年包賊陳麻子包攬下江客貨凡紬段絲  
綿布疋等商到彼舉鵠爲號哨集黨羽陳二陳三  
陳四等十餘艘振櫓張帆艤岸以待呼吸千里白  
晝公行莫敢誰何今二十二日岳等拏獲不識姓  
名脚夫二名紬段四箱泉州客商一人當同地

見年獲任并連人貨押解行不一里克等鳴鑼  
號揚旗追趕蜂擁持械殺搶人貨爪擒金時網剝  
拷打岳與李茂遍體負傷逃命金時擒穴生死未  
卜切思漏課殺差負嵎叛國懇申嚴究救命等情  
據此爲查天開河沈翁二姓堰埠切近海口內通  
東新關大河一水相連離本關六十餘里乘以寫  
遠防獲甚難羣蠹漏侵、國課已非一日矣今據  
差役唐岳等拏獲商貨復遭殺搶該本職叅看得  
沈翁二埠包貨下洋調彈之名又改鴿陣而沈方

其渠魁也前二十二日職申文 憲臺求示嚴禁  
初謂其乘間竊發或可以

憲威默消之耳詎意窟穴以成爪牙鋒利包客貨盈  
幾百千殺官兵不啻草菅昨緝事李茂等狼狽而  
歸身無完膚頭無剩髮演死一生毒烈至此尙忍  
言哉嗣後沈埠私囊較本關公課將分驅爭盛而  
捆箱浮海者舳舻蔽日矣事干 國課擬令呈詳  
爲此今將前項緣繇理合具呈伏乞

詔詳批行仁和縣嚴究施行蒙

都院批何物奸先敢行截貨拒捕仰仁和縣嚴究  
報

欽差督理北新鈔關南京戶部河南清吏司主事堵  
爲遵

旨回話敬陳革單免稅緣繇兼摠末慮以救權弊事  
臣於本年十一月十二日接本部堂劄爲科臣  
屈 疏南計日匱等事奉

聖旨新關長單已革何又旋覆着該關主事回將話  
來其勒石永禁及免肩挑小稅等事俱依議欽  
此欽遵臣以新進孤踪忝司樞務察得本關有  
長單初設祇以柴炭出自徽嚴沿江而下有波

濤之憂魚果產自鄉鎮仔負入城有蒸爛之患  
不便赴關報稅只此四項准與給單其後法立  
獎生奸棍倚借鄉紳名目援例而起至增五十  
餘單包攬把持嚼商蠹課積數十年弊重難反  
臣冰鐵自矢不徇情面於本年二月初二日接  
管之日卽頒示以禁凡章四十九單拘積包大  
俠奚本冲陳兆豫等於法一切請托痛絕不行  
隨於二月內申詳南部及本省撫按四月內申  
詳北部俱奉有文移在案勒石永禁刊示通行

此臣輩單之孫曾未敢旋履以隳前功而滋後  
弊也科臣鑒往杜來慮臣差滿之後必有奸豪  
貴緣勢要以謀倖復是非仰藉

明綸不足垂久誠爲深遠之防至免小稅一則尤爲  
仁人之言其利甚溥蓋小民負販爲業錙銖皆  
血而稅輕費重門遠胥寡多致偷漏用罔于法  
臣受事半月擊目愴心卽廣

皇仁下令寬卹凡自五分以下盡行豁免在權關一  
歲頗亦減課數千而詠沐

皇恩者幾十萬姓及朞以來商民稱便臣特以錢錢  
小惠不足矜揚故未敢申文詳請今幸奉

旨准蠲合無更祈加廣改三分以下爲五分以下則  
於臣初下之令不至二三而民間受賜爲無窮  
矣此又臣免稅緣繇私喜芻蕘之意有當

天心而暗與科臣先後同符也更有慮焉時凶民奸  
課重商困臣兢兢夙夜苦力釐搜虧缺日多無  
加毫末若不悉祛權弊更圖良便屏絕冗耗將  
何術以寬商而足課



明旨之外更有四款詳列於左仰冀

聖裁但事關條議字限逾額伏乞

寬宥

一革稅廳凡爲權設官以便商非厲商也糧餉之  
任非廉潔不可與共功今乃以幕僚解糧者資  
緣監稅以償其費夫俗尚不古刀筆多偷教之  
使廉猶懼不足茲乃日爾之賠腋於稅乎取償  
明獎其貪彼何所忌加派諸商官胥互索每兩  
約派一錢名曰箇頭總

國課計之一歲且鉅萬也加額旣多商困已極復設此冗官以需索之其何以堪合無請

旨裁革則商旅詠謳出途者不招而集矣

一重務任七務稅課司連舊額新加計稅二萬三千餘金綦重任也所設務大使皆吏員末流權輕志苟不足彈服胥欄相長爲奸凡侵移賣放分削包漏諸弊不可屈指官如木偶惟俛首畫諾得嘗例潤私橐而已緣是一歲缺額萬計主權者掣於鞭長無可究詰每割關稅以續之則

課足弊清終無期也合無懇下

明旨併七務爲四務城南商集稅多爲一務江漲城北中務地近稅少爲一務西溪安溪路冗山僻爲一務臨平遠關而近海包漏公行最資彈壓併新設橋司爲一務着吏部選科貢出身前路遠大者任之俱聽本關考核以足額祛弊約胥便商課其殿最分別陞除則權重事專商胥帖服旣省官以節費復慎選以奏功利之大者也一禁饋送本關設立衝衢冠蓋接踵鄉紳京貴視

爲肥差遠客則有程席之儀鄉官則有年節之儀尤最甚者莫如親知年誼爲抽豐客關使絡繹奔命以應其求此非

國課卽商膏也臣受事及歲蹇值凶荒將此夙習盡行罷省以充額解時爲冠蓋鄉戚所哂笑合無祈下

明旨設立紅牌大書有送書儀節儀及抽豐情面者該撫按立時拿究豎於闕前則苞苴之風息所以復古而交際之路清所以養廉也

一立軍防本關歲額一十四萬自運入京責係甚重又寫設郭外十數餘里越關數武卽爲潞區加以年地仍荒萑苻哨聚劫庫劫鞘時告叠發臣切杞憂曾於六月間申詳各部院添設中軍把總一員挑選衙役之強壯者六十餘人委之簡練已蒙委行日夕偵邏居則衛儲行則衛鞘盜戢民安頗有成效一切俸糧工費諸項一年約費五百餘金皆本關裁冗約俸以給之並不動支正額併加派商民分文以滋弊漏數月以

來遠邇稱便合無祈請

明旨准與給劄其勤惰優劣俱聽本關及撫按考核  
則糧儲既有干城之選而商民具有安堵之慶  
矣

已上四款皆本關急著目前要圖臣既受事不  
避怨嫌謹因回話以當入

告至如禁耗羨約胥役節冗濫時啓閉慎苛罰皆  
所以裕國疏商不容刻懈是在當事仰體不盡  
實陳者也懇叩

勅郎詳履施行則早一日商民受一日之賜矣微臣

為幸甚商民幸甚

國課幸甚

欽差督理北新鈔關南京戶部河南清吏司主事堵  
爲遵

旨回話敬陳倉差兌差利弊兼據末慮以救儲弊事  
臣奉堂劄爲科臣屈 奏南計日匿等事奉

聖旨倉差註定三年豈可輕易倘節驥如法出納均  
平羨餘獨多者特加優擢欽此欽遵臣捧讀  
綸音至如法均平以致羨餘而知

王言之大也夫

朝廷良法美意初不在羨然 必如法均平而後可



言美美而在官則爲好義而事終美而在民則  
爲損上以益下致美之術安可不講臣在闕言  
關回話之外何敢越陳然臣去年受委兌差四  
月兼攝浦倉兩月頗悉此中利病有知不告又  
何敢安用是併及以抒愚得蓋致美莫大乎寬  
解寬解莫大乎祛弊祛弊莫大乎清役衙門多  
則胥役繁胥役繁則費用廣如是而欲弊祛不  
可得也弊不祛而欲寬解致美不可得也初臣  
賤時在浙每見浙中父老談及南糧莫不沮色

相戒所說道里衙門之費每以石許致一石而  
奸胥積包意外之禍不與焉一經點解卽擬破  
家全者百無一二蓋

國家之患不在上墜下耗而在中飽胥役虎耽解戶  
肉獻賠賁既甚掛欠益多民力既窮輸將益後  
南計之匱所繇來也部堂及科臣俱鰓鰓慮之  
臣敢悉所見聞條爲六款以佐科臣之末詳列  
于左伏冀

聖裁但事關條議字限逾額併祈

寬宥

一積歇包攬倉兌舊設保家數人以監各解便催  
提也後乃有小保千百家以安歇爲名因而包  
攬解戶喜其打點熟滑入其彀中有指騙之弊  
有營運之弊有機和之弊有那補之弊甚有一  
啖不吐累及解戶性命身家者雖愚慮夫誠各  
衙門簡科條受差者屬冰蘗則打點之名何從  
而設至於追比掛欠部數之縣縣數之解呼吸  
臂指相及也彼積歇以包打點而包輸納以包

輸納而包完欠以包完欠而包追此追包追此而侵糧病解不可勝言矣合無祈下

明旨首行痛革除當官保家數人之外不許添立小保家名色有出入衙門以打點爲名者嚴行訪拿重懲示戒則弊減過半矣

一篩夫需索篩夫之設慮解戶米色之不淨也然而積歇積篩因而例索且以攪和糶穀之弊愚解而病軍每米一石官額九釐私派至二分有餘作弊射利者又不知幾許計兩差及七倉之

米額五六十萬爲費奚止數萬餘金合無祈下  
明旨將篩夫一款盡行革絕申令解戶米色不圓淨  
不准入場驗米有欺蔽不准收兌各解旣喜於  
篩搗使費之少又利於官府收放之速何苦而  
不覓輪好米夫與其設篩夫以苦解求米之淨  
而不淨何如革篩夫以寬解不求淨而自淨之  
爲便也

一衙門太多司炤查巡察糧諸廳以錢糧重務互  
相管設也然官多緒多各役需索日沿月盛遂

使解戶左支右吾經歷衙門包裹使費稽留時  
日苦不盡言合無祈下

明旨歸併一路各差派定各縣例有定額申令解戶  
到日止投文本差其各衙門掛號等務皆本差  
督承行該吏代爲申詳移會其掣批廻亦如之  
如此則頭緒旣一各解寬閒沾恩無盡矣

一減併差員七倉兩兌計九差一差例委主事一  
員例設書辦貼書皂隸副皂主事親隨又有長  
班衙書門皂等役計百數十人其身家之俯仰

上下之供應皆取給于差如是則本官志在澄  
清安能使各役之盡殫風露各解之費安得不  
煩計倉場篩曬收放之期每月不過十日足辦  
較之府縣外任勞逸迥如合無祈下

明旨除浦口鳳陽路遠專設外將水兌兩差併爲一  
差其錦衣等五倉量多寡減併爲三差則在差  
之役旣省其半而隨官入差之役又省其半計  
各解一歲之省費又可萬金其造福豈淺鮮哉  
一額定單款在場諸役并隨差諸役安能責以枵

腹奉公然不嚴爲立防則如鬼如虎之態指騙勒索不可究詰臣代乏浦差見前任程部堂所定單額給解戶炤單派例甚有款約臣力加申戒踰單有刑一月以來軍膏帖服雖有黠者猶惴惴懼執單之議其後也合無

明諭部堂酌胥役之勞逸別爲差等著爲定額勒石倉場以恪遵行則歲可省各解費錢百萬矣一禁葦茶果此弊沿積已久必行不戒賢者雖刻意屏潔而不肖者猶時依陋染指夫設官之意



以約束安民非爲供官溫飽已之不正何以帥  
人康子思盜沂縣漆也冷無祈下

明旨嚴加訓諭勒石示箴以激揚之權濁之部臺勿  
徇情面臣孤遠末吏不敢盡言

已上六款雖似委瑣不足當採擇然念

官府之錙銖卽小民之膏血所謂寬一分卽受一  
分之賜也苟當事者能將順

德意共破情面悉力奉行則所省解戶之費且及巨  
萬民力旣寬解戶雲集輸將恐後謂非阜財

足民之一端歟如是則不言羨而羨在其中  
深有當于

皇上如法均平之大義而後受優賞者不失足於興  
羨專利之歛臣也設以革弊爲叢怨併差爲  
獨勞久任爲淹滯乞

皇上卽委臣一差責成先自臣始臣有志釐奸無心  
躁進迫于名義非敢虛言乞卽

勅部詳覆施行

國課幸甚

差竣疏

督理北新鈔關南京戶部河南清吏司主事堵

奏爲奉職無狀遭歲多凶虧課已及五千破家不及  
什一仰祈

聖鑒以恤時艱事臣於上年二月初二日奉

命督理北新鈔關接管到任蹇值凶荒商賈裹足臣夙  
夜拮据裁冗節耗備任怨勞不遺心力去年四解  
俱按季資部邀

皇上如天之福以爲徼幸及瓜可報稱無罪矣詎意大

江以北土寇竊發人民相食浙江以南又復萑苻  
嘯聚桐富一帶劫殺無虛又值督漕院臣下淮兌  
之令所在府縣僱提民船四方聞風俱拔舟高原  
不敢越河一步徂臘歷正五有旬日遂虧課五千  
餘兩此萬耳萬目之共覩聞非臣敢一字虛誣自  
欺欺天以欺

皇上也伏念四方多事軍餉急需臣受事一週不能爲  
皇上通商裕羨少佐末籌乃以歲荒課虧入告卽此之  
罪不可勝誅何敢以紙上浮詞冀幸蠲免卽日將

臣祖父田產盡行變賣不足繼以稱貸務補歲額  
破家粉骨臣所甘心但臣目擊時事竊用搶呼初  
巳卯年間議措勦練二餉局外諸臣競言各關應  
派至二十萬猶爲未足顧未及歲餘而匱乏見告  
不一近如許墅關已虧至四有餘萬矣北新關自  
臣交代之後一月間又虧四五餘千矣此皆臣力  
肩身受目覩耳悉者爰攷本關原額自天啓初年  
止及四萬今疊奉

明旨已加至十四萬同此物力同此商膏往時之盛未

見其盈今日之疲安怪其縮况值天行之加厄歲  
事之薦內乎伏願

皇上軫念艱依曲加蠲緩節

朝廷一日之徵求卽續商民百年之膏血蓋財賦之  
入總一源流必先加休養而後可議誅求也臣差  
已報竣課已奏足何用爲此贅語以取罪戾但身  
悉艱危有知不告當與欺妄同律是用昧死贊陳  
仰祈

採酌施行微臣幸甚商民幸甚奉

聖旨諭政八箴

一  
約已

崇禎拾肆年 月

日

蒞政八箴

一約已

受權者以羶腴爲念則所求於權必奢居心不淨飭行不精侈物溢度有自來也士君子約一分服御卽減一分願望卽寬一分物力卽省一分誅求儉足養廉廉以養德此爲契緊余嘗語人云某四十年窮男子蔬布僅給一旦黃白滿篋歸耀閭里盡改生平別新面目此最不祥事雖遭歲凶課額虧少傍觀戚戚余視固然報政之日露橐風袖親朋妻孥具懷怨謫



卷一  
余顧而樂之爲小詠曰烏冠新戴舊書生擁蓋從官  
父老榮釋擔歸來人共識負薪重有踏歌行余且終  
身弗諼弟以處權已乎

芻豢盈前適口則美及其既飽糟糠同視百製吳  
綾千純越綺身衣之餘委床擲几將安用之垢穢  
叢已云以養身穢斯集焉我解其穢於養則全四  
顧蕭索稱獲灑然爰著箴辭矢之弗諼

一 郵商

商稅舊額二萬今且七倍矣當事者請自三思不天

降不鬼輸此孰非派在商者困在民乎盡法征之不  
敢怨又從而毛漚之於心何忍今者商斂極矣而司  
計之心猶喑喑議派未便釋然夫與其議增科商以  
以趨功令何如議減受舉以恤時艱保障爾絲優劣  
具在雖無其力不可不時切乃心願當事君子推而  
而廣之苟能損少而全多則一時之虧盈非所計也  
古之征商以禁逐末今雖欲畊賦重歲迫去爲商  
賈名肥身瘠從而苛之此得彼失彼持什百取其  
錙銖以此而觀彼若有餘亦從彼慮利鮮患多錙

銖而外彼贏幾何商困極矣是用作歌

一弛罰

攷舊制漏稅者貨半沒官蓋

國初立法之始固應嚴以示防然而風俗淳茂亦鮮  
犯者不過與晝地解網同條今民窮課重人心不古  
偷漏之路百岐千錯日無虛刻使一以古法按之不  
過旬日間而窮民之命可一網盡也先事君子改沒  
貨爲罰價意在斯乎某受事之始更減罰稅小者依  
稅加數倍或釋不問重不過五倍守關隄役緝多不

加功少亦不罪也或憂予虧額莫不曰刑輕漏多人  
亦易犯余曰小民負販食稅數分一旦在官償亡失  
半更加誅乎且關役非余親愛子弟也賣放之餘以  
遂功耳苛罰適爲叢驅何濟或曰虧正供以市恩如  
井仁何惻然曰寬民受禍一家哭也剝民自救一路  
哭也天不佑善余身殉焉固其所也倘邀

如天之福輸解弗後此紛紛偷漏者皆朝廷之良民  
與外府也天地之利在官者官在民者民豈不甚快  
余善之爲中飽乎

蘇軾備荒求弛鹽禁曰虧歲額二萬而僅捐此二萬彼不爲盜爲利已多他復何較讀是快語如瘳待爬推而行之以寬民瘼

一緩刑

司權無訟詞之訊刑似可弛也然薄俗多偷衙役兇奸與夫逋掛不加鞭朴雖良吏不能爲理然或鼓舞之無力一旦致期或防慮之不先坐投阱網禁令既頒榜掠是繼臣有以撥決爲鼓吹者嘻甚矣朝廷設權惟利是求權臣稱職惟歛是能既不講於有譏不

征之古又相習爲治亂用重之條孰非血肉股彼膏  
髓試問尊如帝猥如虎賤如管者爲官乎爲私乎當  
亦猛然汗也苟能上慎其法勉下以誠上下不偷詿  
誤道漏亦覺自少必待鞭敲之力然後示儆不其晚  
哉諺云跟狼官趲硬錢則怨歸於上弊窟於下非權  
善筭也余嘗曰能爲小民蠲得一分如拔夏蝟一刺  
好爲小民緩得一日如放重囚一眠雖知無益此心  
覺自快利也

哀我生民不計其後刑將及之畏如窮獸寧不爾

矜會莫爾收爾啞而呼我怒而娛怒娛破頤啞呼  
破膚若彼鹿走其命懸厨每念斯言我心瞿瞿戒  
之用先董之以蒲

一執法

各衙門之弊莫不繇於執法徇情權關爲甚既無地  
方之任於權也客使耳復無歲月之淹於權也傳舍  
耳持是意也以往情面於是乎生夫去政之病莫先  
剔蠹衙蠹牙蠹務蠹包蠹腳蠹一時巨豪大俠不有  
以去政焉得清執法從威赦過從簡得罪按之當法

而止夫何得私又孰從而背之也哉法者官法情者私情士君子既出身加民不來做官兩字只想做私觚之不觚可爲三嘆

人有恒言曰爾做官做非悠忽官絕私歡彼不做者日馳月駛做而非者意縱法弛官無高卑惟官是知做無賢愚惟做是思凡百君子視此箴辭

一敬事

敬事後食古之良訓北新較諸權獨繁較府縣頗簡然亦有煩於府縣者府縣之煩今可待後數日之積



一日可辦樵部商稽課商日有程課日有額一刻高  
臥百夫負擔半日公假百貨露積煩而最專且久惟  
北關獨也必宜昧旦而興及晡而罷案牘決遣不稽  
晷刻非大慶賀不數入省鄉紳過客以誠告之不數  
宴會苟有其勞博逸之半亦不辭爲况千夫稱便一  
人雖勞勞少逸多寧不快乎

彼晏而居者高臥一朝嬉游一夕此擔而倚者誤  
途一程耗費一日彼晏而居者一此擔而倚者百  
惟民趨利所爭夙晚妻孥待餐望期而返關以征

之復以稽之失利既閔得利亦遲念彼民生以勗  
官規

一砥節

古稱上交不諂下交不瀆又云不可奪節不可奪志  
士君子際時艱危受主職守必先有卓然自立者在  
不則容容苟苟清夜不可問心大庭何以蒞衆權使  
於分符爲最卑然而苟有其耻具可弗辱豈必承人  
色笑以固身名余自受事津頭凡可爲商民請命者  
侃侃陳乞無少回護有所釐創不畏權豪部院紳賢

亦共諒予慙他若權談當前秉禮自持公會之外未  
嘗私謁旁觀者雖爲予危之而寃亦莫我加也繇是  
觀之士君子立身居官禍福當以天自信曰旦曰明  
日監不遠媚奧與竈又何益乎嗟乎君子之節女人  
之身一失不收思之惕息

丈夫立生世義命懸光辰禍福當剝復七尺那足  
論孤陽邁其九溝壑志所存當其大節扶屹崑回  
崑崙豈同血肉夫患樂謀餘生抱石豈不厲茹蓼  
豈不辛中夜耿清况起視星河明卓哉千古身虧

全屬天親

一 撫謙

余性耿率絕無回護然而此中鄙僿每切自知愧畏  
之懷不敢越假或時侍名賢聆碩論輒素心向往寢  
食不諼友朋規諷終身佩之一事小錯時對臧獲如  
負芒刺不能安也雖於謙六之義未聞而庸質所基  
寔安於下百爾君子無我棄尤誨之話言所厚期耳  
莫高匪山去天尺五莫尊匪王依於下土我獨何  
心傲焉自瞽載顧之鳥載顧之僕靡不有年各祝

爾祖歆不更中日不再午作箴者誰義興字堵

扁對附

堂對

吾過喜見之吾功不喜見之皓月當空爲食爲更  
民共仰

吾威可犯也吾清不可犯也寒潭映地孰妍孰穢  
我無私

儀門對

取盈得臯商旅不盈得臯于

朝廷臯則惟均吾寧受夫太者雖斧鉞其奚避

祛奸致怨于宵壬養奸致怨于

神鬼怨豈必明吾甚畏災隱者若手目之在茲

大門對

因民之利無苛征芻蕘往焉雉兔往焉廣周文百  
里之圃

得民之情無盡法左右任之高下任之祝成湯三  
面之羅

門扁 水清漣漪

堂扁 人在堂上